

Headline	GSR perlu dijadikan amalan, pegangan berkaitan pengurusan alam sekitar		
MediaTitle	Utusan Borneo Sarawak		
Date	13 Dec 2017	Color	Full Color
Section	News	Circulation	45,554
Page No	6	Readership	136,662
Language	Malay	ArticleSize	181 cm <sup>2</sup>
Journalist	N/A	AdValue	RM 1,174
Frequency	Daily (EM)	PR Value	RM 3,521



## GSR perlu dijadikan amalan, pegangan berkaitan pengurusan alam sekitar

**KUCHING:** Pelaksanaan Peraturan Kendiri Terpimpin (GSR) merupakan penerapan budaya yang perlu dijadikan amalan dan pegangan komuniti berkaitan dengan pengurusan alam sekitar.

Ketua Pengarah Jabatan Alam Sekitar (JAS) Datuk Dr Ahmad Kamarulnajib Che Ibrahim berkata pembudayaan GSR disifatkan sebagai nilai tambah kepada pendekatan Command & Control (C&C) yang diamalkan JAS selama ini.

“GSR menyokong C&C dan seterusnya menanam sikap pemilikan alam sekitar ke arah mencapai kecemerlangan dalam pengurusan alam sekitar kepada undang-undang.

“Pematuhan kepada peruntukan undang-undang alam sekitar merupakan cabaran yang besar dan perlu diberi penekanan bagi memastikan insiden pencemaran dapat

dibendung dari peringkat awal,” katanya.

Beliau berkata demikian ketika merasmikan Seminar GSR JAS di sebuah hotel terkemuka di sini, semalam yang turut dihadiri Pengarah JAS Sarawak Mohd Hidzir Bakar dan Ketua Penolong Pengarah Kanan JAS Sarawak Amirul Aripin.

Menurutnya, konteks pengurusan alam sekitar melalui hirarki pencegahan pencemaran dari peringkat awal merupakan kaedah kawalan terbaik.

Sehubungan itu, katanya pemain industri memainkan peranan penting dalam pengurusan alam sekitar bagi memastikan ia ditadbir urus secara holistik dan mapan.

Bagaimanapun Kamarulnajib menegaskan bahawa penerapan budaya GSR hanya akan berjaya dengan wujudnya kawalan kualiti yang

berkesan.

“Tanpa kawalan kualiti teknikal, aplikasi GSR dalam kalangan pemain industri yang belum bersedia akan menimbulkan suasana kelam-kabut dan mengundang keadaan luar kawalan.

“Malah komuniti yang dikawal (industri) juga boleh bertindak sesuka hati serta menyalahgunakan konsep GSR menyebabkan pematuhan undang-undang menurun,” ujarinya.

Susulan itu, GSR dirangka dengan rapi di setiap peringkat proses kerja JAS dan dikuatkuasakan dengan berkesan.

Jelasnya, pembudayaan GSR seiring dengan elemen kawalan kualiti teknikal menyeluruh yang merupakan senjata ampuh mampu melahirkan masyarakat yang mempunyai kesedaran alam sekitar tinggi.